

Fongv Mingh Wuov Ndaangc taux Baengh Fim Zipv Zoux Liangx-ndeic Ndau yiem California

California Baengh Fim Yiem Zipv Zoux Liangx-ndeic Ndau Lorz Za'eix Zorc nyei Guanbun daaih nyei waac-dengv

Ginv daaih nyei waac-dengv weic buonv-deic hungv jaa

Mangv Cou

California buangh jienv maiv baengh fim taux zipv zoux liangx-ndeic nyei ndau dongh oix qiemx zuqc liuc leiz siepv. Duqv zix ziepc nin-zingh, maaih zoux liangx-ndeic mienh caux Meiv Guoqv Buonv-deic Fingx goux longx ndau mienh camv nyei zuqc laanh jienv taux maaz caux siou zoux liangx-ndeic nyei ndau weic zuqc ninh mbuo nyei setv zeiv, mienh fingx, m'jangc a'fai m'sieqv, haaix nzaangh mienh, caux maaih bieqc deic-bung nyei sou fai, caux maaih zix nyungc.¹ lh zanc hnoi, weic maiv baengh fim yiem duqv zipv zoux liangx-ndeic nyei ndau se la'nyauv camv jienv faaux weic butv-zoih mienh maaz daaih gapv zunv weic zorc nyaanh, lungv diev tiuv, caux la'nyauv nyei leiz.²

California Baengh Fim Zipv Zoux Liangx-ndeic Ndau Lorz Za'eix Zorc nyei Guanbun se duqv liepc daaih lengc nyei yiem California Budget Act of 2022 (**AB 179**) weic fungx waac-dengv bun Zungx caux Liepc Doz-leiz Jien oix zuqc hnavv haaix nor liuc leiz taux maiv baengh fim yiem zipv zoux liangx-ndeic ndau weic bun zuangx lai-hnaangx caux Meiv Guoqv Buonv-deic Fingx longc ei ninh mbuo qiemx zuqc nyei. Lorz Za'eix Zorc nyei Guanbun duqv mbenc naaiv deiv waac-dengv yiem domh zuangx horpc fim dongh eix nyei wuic duqv jiu tong caux gauh camv 400 buonc zoux liangx-ndeic mienh, California Meiv Guoqv Buonv-deic Fingx bieiv-zeiv, caux camv-guanbun tong gormx California saengv. Setv mueiz nyei gorngv-zunh se fungx bieqc yiem Ziepc Nyeic Hlaax 2025.

Naaiv deiv waac-dengv se bun benx juqv kang:



Zorqv Meiv Guoqv Buonv-deic Fingx goux longx ndau caux fungx ndau nzuonx nyei javv benx longc jienv nyei sic.



Liepc nyaanh caux tengx nyei za'eix bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh maaz ndau.



Dingh, zorc, caux tuix gapv zunv zoux liangx-ndeic nyei ndau.



Siou longx California nyei zoux liangx-ndeic ndau yaac zorqv baengh fim zipv caux goux longx ndau benx longc jienv nyei sic.



Zorqv benx longc jienv caux beu jienv taux zipv ndau weic lauh ndaavv.



Dengv zoux liangx-ndeic yiem mungv.

Baengh fim yiem zipv zoux liangx-ndeic ndau se dongh zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh duqv maaiz ndau, maaiz duqv jhex, caux siou duqv lauh weic zuangx lai-hnaangx, fei caux suix-ndiangx, ndie-miev, caux ganh nyungc ei guei-jei qiex zuqc nyei, maiv bun maaih laanh, maiv baengh fim, a'fai pienx nyei jauv.

Zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh se dongh yiem douh zong zuqc laanh jienv taux maaiz caux siou zoux liangx-ndeic ndau bun zoux liangx-ndeic caux Meiv Guoqv Buonv-deic Fingx longc ei guei-jei qiex zuqc nyei.

Ginv daaih nyei waac-dengv weic buonv-deic hung h jaa

Buonv-deic nyei hung h jaa gorn maaih buonc caux longc jienv haic yiem fongv mingh wuov ndaangc weic bun maaih baengh fim yiem zipv ndau, liemh jienv siou longx zoux liangx-ndeic ndau, zorqv fungx ndau nzuonx hnavg ong-taaix yiem nyei ziang hoc caux goux longx ndau benx longc jienv nyei sic, yaac zorqv cuotv laanh nyei jauv bun mienh zoux liangx-ndeic yiem mungv caux yiem ga'nyiec ziqc mungv. Beiv hnavg, buonv-deic nyei hung h jaa gorn oix zuqc zipv longc siang-za'eix nyei longc ndau nyei zingx leiz caux leiz-latc dongh bun qangx Meiv Guoqv Buonv-deic Fingx haih goux longx ndau, caux bun haih maaih camv-nyungc jaa-sic ga'naaiv dongh qiex zuqc nyei oix siou liouh ziangx bun haih zoux liangx-ndeic nyei saeng-eix. Buonv-deic nyei hung h jaa gorn yaac haih dingc zanv taux ceix sic nyei jauv yiem zoux liangx-ndeic nyei ndau, yaac bun dingc nzou ndau nyei ngaengc waac yiem domh zuangx zipv jienv nyei ndau benx baengh fim yaac bun haih duqv zipv bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh.

Yiem ga'ndiev naaiv se benx ginv cuotv daaih nyei waac-dengv dongh biux meng h zingx leiz caux

gong-bouc weic fongv mingh wuov ndaangc bun maaih baengh fim yiem zoux liangx-ndeic ndau yiem buonv-deic. Naaiv deix waac-dengv—fiev bun Zungx caux Liepc Doz-leiz Jien—buonv-deic nyei hung h jaa gorn yaac haih zaah samx mangc yaac haih caux jienv fongv mingh wuov ndaangc. Weic oix duqv zipv muonc nyei waac-fienx, liemh jienv ganh nyungc tengx nyei waac-dengv caux haih bieqc hnyouv toux taux hnavg haaix nor haih zoux bun maaih baengh fim yiem zipv ndau, tov mangc yiem **gornv muonc caux toux nyei gornv-zunh**.

1.3.c Domh zuangx gorn-zaangc dongh siou jienv ndau oix zuqc liepc zingx leiz dongh oix maaic ndau a'fai tiuv ndau-zouv weic domh zuangx zipv nyei ndau, oix bun qangx California Meiv Guoqv Buonv-deic Fingx maaih leiz ginv zipv ndau ndaanc yaac oix zuqc maiv zuqc cuotv zinh a'fai jaax-zinh aiv a'lamh nzengc

1.4.c Zungx nyei Gong-gorn Weic Longc Ndauc caux Lungh Diev Tiuv oix zuqc zoux gong caux California Meiv Guoqv Buonv-deic Fingx liepc longc ndau nyei leiz-latc nyei dongh haih liuc leiz horpc dongh guoqv zangc hung h jaa ziev duqv

caux maiv zieqv nyei yiem California Meiv Guoqv Buonv-deic Fingx. An jienv za'eix caux jauv-louc weic dengv taux goux longx ndau Meiv Guoqv Buonv-deic Fingx nyei ndau, liemh jienv Meiv Guoqv Buonv-deic Fingx zong-zei nyei biauv.

3.2 Liepc zingx leiz bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau nyei mienh haih duqv maaiz ndau ndaangc.

4.3.a Tengx za'eix caux dengv taux buonv-deic hung h jaa liepc gorn weic zorc zoux liangx-ndeic ndau dongh zuqc koi mingh zoux ganh nyungc wuov deix, yaac siou jienv nitv fatv nyei zoux liangx-ndeic ndau dongh jaax-zinh fih hngangv a'fai gauh longx wuov deix, maiv bun pioux yietc gouv tiuv yietc gouv.

4.3.b Tengx za'eix caux dengv taux buonv-deic hung h jaa gorn liepc longc siang-mbenc nyei za'eix weic longc ndau weic dingh maiv bun koi ndau zoux ganh nyungc yiem zoux liangx-ndeic ndau; naaiv se liepc ceix mungv nyei gapv-jaaix caux longc leiz-latc weic siou jienv zoux liangx-ndeic ndau.

4.4.c Tengx nyaanh bun domh nquenc caux mungv weic cingv gong-mienh weic benx jiu tong taux zoux liangx-ndeic ndau, ninh mbuo nyei gong-bouc se zoux gong caux buonv-deic gorn-zaangc, domh zuangx gorn, caux zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh weic samx mangc jienv domh zuangx siou jienv nyei ndau, zunh fienx bun hiuv taux maaiah ndau bun longc, caux tengx yietc zungv mienh haih liepc duqv baengh fim caux zoux longx nyei nzou ndau ngaengc waac sou.

4.4.d Tengx za'eix caux dengv taux buonv-deic hung h jaa gorn liuc leiz zoux bun dongh ninh mbuo gunv jienv wuov deix weic zuqc pienx nyei zoux liangx-ndeic mienh caux Meiv Guoqv Buonv-

deic Fingx goux longx ndau mienh duqv zipv longc; naaiv se weic bun ninh mbuo duqv siou liouh ndau ndaauv, nzou ndau weic lauh ndaauv.

5.5.a Zungx nyei Gong-gorn Weic Longc N dau caux Lugh Diev Tiuv oix zuqc mbenc longc ndau nyei leiz-latc dongh haih tengx bun maaiah siou liouh zoux liangx-ndeic ndau weic lauh ndaauv caux goux longx ndau, yaac zorqv benx longc jienv yiem baengh fim zipv ndau, zorc zoux liangx-ndeic ndau longx nzuonx, caux Meiv Guoqv Buonv-deic Fingx juangc goux longx ndau (mangc **Appendix D** yiem muonc caux toux nyei gorngv-zunh sou weic mangc nyungc-zeiv).

5.5.b Tengx caux dengv taux tiuv longc ndau nyei zingx leiz caux buonv-deic nyei leiz-latc weic bun bungx fong deix caux tengx bun haih yungz duqv hmuangv doic weic lauh ndaauv yiem naaiv deix zoux ndeic hepc caux zoux camv-nyungc nyei liangx-ndeic saeng-eix.

6.2.c Tengx caux dengv bun liemh jienv zoux liangx-ndeic yiem mungv yiem ngaengc waac dongh bun mienh haih duqv mingh longc domh zuangx nyei ndau dongh buonv-deic hung h jaa gunv nyei, beiv hngangv yiem laangx-ndau caux mungv nyei ndau-deic

6.2.d Zungx nyei Gong-gorn Weic Longc N dau caux Lugh Diev Tiuv oix zuqc ih zanc maaiah nyei longc ndau nyei leiz-latc, zaah samx mangc taux zoux ndeic yiem mungv, caux tiuv leiz daaih zorqv cuotv laanh nyei jauv weic zoux ndeic yiem mungv, benx yietc gouv sou bun zuangx mienh haih mangc duqv weic biux meng h cing mbuox buonv-deic nyei gorn haih hngangv haaix tengx zoux liangx-ndeic yiem mungv.

6.2.e Zorqv guangc leiz-latc caux longc ndau nyei zingx leiz dongh laanh jienv zoux buix camv dongh qiexm zuqc an weic zoux liangx-ndeic yiem mungv.

Setv mueiz nyei waac-pox

- 1 California Department of Food and Agriculture. (2020). "2020 Report to the California Legislature on the Farmer Equity Act." Last accessed Feb. 26, 2026 from <https://www.cdfa.ca.gov/farmerresources/pdfs/2020FarmerEquityReport.pdf>
- 2 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>



Gorngv muonc caux toux nyei gorngv-zunh se maaih yiem Meiv Guoqv Waac caux gorngv-zunh nyei nzutv norz waac se maaih yiem camv-fingx waac haih koi mangc yiem naaiv:
bit.ly/ALETF-about